

Ленинэнь киява

АВГУСТОНЬ

4 чя,

1937 ие

№ 88 (762)

ЛИСІ:

7-це ие
чинь ютазь

ВЛКСМ-нь Мокшэрзянь обкомонт ды Саранскоень ошонь комитетэнь газетаст

СОВЕТС КОЧКАМОТНЕНЕНЬ АНОКСТАМОСЬ ДЫ АНТИРЕЛИГИОЗНОЙ ПРОПАГАНДАСЬ

Курок кармить ютамо. Советс ды Верховной Советс кочкамотне. Но „СССР-нь Верховной Советс кочкамотнеде Положениянь“ толковамось моли аволь сатышкасто. Комсомолонь райкомтне ды первичной организациятне эзьт кунда паро ладсо те тевентень.

Те шкастонть, зардо кармить ютамо Советс ды Верховной Советс кочкамотне, седеяк пек кармить ютавтомо эсь гнусной тевест поптне ды весе духовенствась.

Комсомолонь башка „активистне“ арсить, што духовенстванть ней уш виезь арась, сонензэ ней а кемить. Комсомольской организациянь истят руководителитне чаракдсть превест успехтне лангс ванозь ды кодамоак значения эзьт карма максомо неень шкастонть религиозной од форматненень, конат хитройста сюлмазь народонь врагтне марто ды ютавтть эсь тевест отсталой од лсмантненень ды эрзя-мокшонь тейтерь-аватненень ютксо.

Остаткань пелев поптне ды весе духовенствась кармасть кепсеме прят, ды Конституциянь праванть толковать эсь койсест.

Чамзинкань районсо, Маколовань велень советэнь председателесь Храмов попонт вешеманзо коряс разрешил панжмс церькованть, Сайгуш велень председателесь сими вейсэ попонт марто винадо. Торбеевской ды Ковылкинской районтнезэ появасть бую „пазонть“ пельде менельст сермат, косо сермадозь контрреволюционной, анти-советской тевде.

Посопсо (Саранскоень р-н) ды

Троицкойсэ (Ковылкинань р-н) эй какшонь кой-кона аватне отказак шность государстванть пельде лездамонь ярмактне получамо. Пельсть седе, што эйкакшост „тона чиса“ улеме кармить адсо ды антихристэнь кедьсэ, косо кармить лакамо пси котелсо.

Ташто-Жабива велесэ (Козловкань р-н) попось церькувань панжоманть кувалт кашт мольсь. Но косо эрясь квартирасонть, се кудонт теизе церькувань кондямо кудокс: тосо сон лемдиль эйкакшт, служиль обидият ды тейнилъ религиозной лият обрядт. ВЛКСМ-нь Темниковань райкомсо комсомолецс Ермаков евтнесь, кода сонзэ кармавтызь урваксто а эсь мельсэнзэ, кода симдизь винадо ды манизь церькувасо венчамо.

Весе неть фактитне кортыть седе, што поптне влияниаст эщо а пек вишкине. Икелевгак сетне лангс, конат сермас аламодо содыцят ды политически аволь сатышкасто грамотнойть.

Комсомолонь организациятне ды комсомолетне задачаст ашти сенсэ, штобу терпеливойста ветьамс антирелигиозной роботанть, Советс ды Верховной Советс кочкамотненень шкасто неемс сынст антисоветской действият. Келейстэ ветьамс культурно-массовой роботанть; тейнемс докладт, лекцият. Ловномс антирелигиозной художественной литература, нолдтнемс стенгазетат, эрва косо ветьамс антирелигиозной пропаганда ды нейке жо организациямс стенгазетатнева уголокт антирелигиозной темань кувалт.

Служащейтне туртов государственной социальной страхованиянь вадрылгавтомадо

ССР-нь Союзонь Народной Комиссартне Советс кемекстызе служащейтне туртов государственной социальной страхованиянь вадрылгавтомадо. Всесоюзной Профессиональной Союзтне Центральной Советэнь постановлениязо.

Те постановления коряс служащейтне лангс распространяется сыре чинть кувалт пенсионной обеспечения рабочейтне марто общей основаниятне коряс. Те относит я сеть служащейтненень, конат лоткасть роботамодо 1937 ие-стэ августонь васень чиде мейле, али эщо роботыть.

Инвалидность ды трицянь емавтомань случаент коряс служащейтненень ды сынст семият туртов пенсиятне, конат максомо

вить 1937 ие-нь августонь васень чиде мейле, пандовить истямо размерсэ, конат путозь хозяйствань соответствующей отраслитненень рабочейтненень.

Государственной, кооперативной ды общественной, промышленной весе неть предприятияненень ды учреждениятне служащейтненень ды рабочейтненень шкань нетрудоспособность коряс пособиатне пандовить 1937 ие-нь августонь васень чистэ саезь неке жо основаниятне, кода промышленной предприятиятне рабочейтненень

Служащейтне туртов шкань нетрудоспособность коряс теде икеле аравтозь пособиань размерэнь ограничениясь — полавтови.

(ТАСС).

Шкань нетрудоспособность коряс пособиань ловомань порядоконт

ССР-нь Союзонь Народной Комиссартне Советс кемекстызе шкань нетрудоспособность коряс пособиань ловомань порядоконт Всесоюзной Профессиональной Союзтне Центральной Советэнь постановлениязо. Те постановления коряс рабочейтненень ды служащейтненень шкань нетрудоспособность коряс пособиань максомсто лововить робо-

тань питненъ весе видтне (конань лангс лововить страховой взноствэ) сферхурочкой роботань кисэ, совместительстванть ды единовременной характерэнь эрва кодат пандоматненъ кисэ, питненъ пандоматнеде башка.

Те постановления сови вийс 1937 ие-нь августонь васень чистэ саезь.

(ТАСС).



Июлень 27 чистэ СССР-нь Центральной Исполнительной Комитетэнь Президиумонт заседаниясонзо максозель Ленинэнь орден внутренней тевтне народный комиссаронтне — государственной безопасности генеральной комиссаронтне Н. И. Ежов ялгантне.

СНИМКАСОНТЬ: СССР-нь ЦИК-ень председателесь М. И. Калинин ялеась максы Ленинэнь орден Н. И. Ежовэнзэ.

ФОТОСЬ Н. Ф. КИСЛОВОНЬ (СОЮЗФОТО).

Тяньцзиньсэ Советской консульстванть лавгс японеттне ды русской белогвар- деецтне бандитской каявома

Шанхай, августонь омбоце чя. Июлень 30-це чистэ Тяньцзинь ошонь особой колмоце районотъ, косо ашти Советской консульствась, оккупировизь японской войскактне. Те шкастонть китайской полициясь кадызе те районотъ ды Советской консульствань помещениясь лиядсь охранавтомо. Тень кувалт русской белогвардеецтэ — японской разведканть агенттне Пастухин, Осипов, Карнаух, Шатухин, Овчинников ды лият Северной Китайсэ японской войскактне штабонь офицерэнь майоронт Такинъ шнамонзо коряс кармасть тееме бандитской отряд Советской консульстванть лангс каявоманть кис ды сонзэ сотрудниктне маштоманть кис.

Августонь 1-це чистэ чокшне 9 чассто белогвардеецтне — японской разведкань агенттне, истя жо японеттне, конат штатской одежасо оршазь, маузерсэ, ружиясо, бомбасо ды ручной пулеметсо вооруженнойкс улезь, эцест Советской консульствань помещениантне. Бандиттне тапизь кенкшенъ ды грузовикс кармасть ливтнеме консульстванть паро-чинзэ. Пек характерно, што китайской полициянт икелень участкасонть Советской консульстванть эйста аволь пек васоло кармась улеме японской военной часть, кона ней киньгак а нолдтне те пунктонт малава. Яла теке Советской консульстванть паро-чинзэ марто гру-

зовиктне ульнесть нолдазь японской концессиянт енов.

Тяньцзиньсэ Советской консулось Смирнов ялгась обратился японской генеральной консулонтень Хориуциненъ, но сон эзь ульне примазь. Те налеттовъ икеле Смирнов ялгась японской Киси консулонтень евтась седе, што Советской консульстванть лангс аноктави бандитской каявома ды энялдсь примамс седе курок мерат сенъ туртов, штобу а нолдамс теевеме преступной те тевенть. Смирнов ялганть энялдоманзо лангс ответкс Киси яволявтсь, што сонензэ евтнест уш опасностеденть, кона угрожает Советской консульстванть, консулоской корпусонт заседаниянь шкасто июлень 31-це чистэ, но сон не может мезеяк теемс, секс, што сезезь телефонной связесь. Киси марто Смирнов ялганть кортнеманзо шкасто ушодовсь Советской консульстванть лангс каявома. Советской консульстванть энялдоманзо коряс, сенъ кувалт, што консульстванть лангс теезель каявома, ульнест пурназь Тяньцзинь ошонь консулоской корпусонт совещания. Японской консулось те совещаниянт эзь сакшно. Улитъ сведеният седе, што белобандиттне нейгак безнаказанно грабить консульстванть паро-чинзэ.

(ТАСС).

ЮРНЭК ТАРГСЕМС НАРОДНОЙ ПРОСВЕЩЕНИЯНЬ ТЕВСЭНТЬ НАРОДОНЬ ВРАГТНЭНЬ ДЫ БОЛЬШЕВИКЕС АНОКСТАМС ТОНАВТНЕМАНЬ ОД ИЕНТЕНЬ

Японо-германской фашистской, троцкистско-бухаринской бандитской диверсионной подпольной эсшупальца народная просвещения фронтонтькак. Народной просвещения истят участковатна, косо ульнесь семейственность, подхалимства, косо беряньстэ аштил тевес критиканть ды самокритиканть марто, тосо ветясть вредительнэ эсь нулгодькс тевест.

Истят участковат эряви ловомс икелевгак МАССР-нь Наркомпросонть, косо 5 иень перть ветясь эсь мерзкой тевензэ народонь заядлой врагось Вождаев. Сонзэ перька ульнесь сюлмазь подхалимт, народонь враг ды сынст лездыят ды лият мерзавецт, конат ульнесь аравтнэз Наркомпросонь аппарате работникекс (Араповонь ды Огинэнь (народонь врагтнэнь) козийкаст ды лият).

Секс честной, партиань ды Советской властен тевенть кис преданной ломантнэнь сигналост, конатнэнь кучиниль редакцияне Наркомпросов, глушилть апаки виде.

А эряви те тевенть кувалт чатомонез ютамс наркомонь замтнэнь Лавровонь ды Боткинэнь вакскаст. Ламо чумонть кандыть сынйяк. Лавров редактировизе народонь врагонтэ Абузовонь эрянь историйанть кувалт программанзо, рецензировасть буржуазно-националистической литературы, конань сермадызь народонь врагтнэ Рябов, Чесноков ды лият. Вождаев рецензированиянть функциянь максокшнызе ансяк сычест—Лавровнэнь ды Боткиннэнь. Седе вадра ломантнэнь жо те тевентень а подтниль. Сынт лозунгокс ульнесь: „Соронть кудосто иля теньце, минек весе вадрат, стяко севнат“.

Секс Ковылкинской районсо, Троицкой школосонть морсест контрреволюционной частушкат. Те школосонть роботась пионерэнь чавицясь, колмо иес тюрьмас судязесь—Тасов. Тов кучозель наркомпроссто Солдаткин, конань не интересовал школань политической состояниязь ды тонавтниятнэнь эрямо чист.

Секс аттестационной комиссиясонть ульнесь политически аволь благонадежной ломанть (Боткин, Рудометов ды лият), конат аттестациянть ютавтызь формальнойстэ, эзизь таргсе лангс народонь врагтнэнь ды мик аттестовасть истят врагтнэнь.

Секс Бузаров (начальной ды аволь полной средней школань управлениянть начальникекс) эсь политической сокорк-чинзэ кувалт не мог таргамс лангс Лямбирской РОНО-сто народонь врагонтэ Антиповонь.

Кавто-колмо валт тонавтнема од иентень анокстамодонть. Наркомпросов кучсть ансяк 12 районсто сведения, мезе тенст эряви. Теде башка теезь мезеяк арась. Сех ламо асатыкст те тевенть кувалт эрсит неде-иес Саранскоень пединститутсо. Васень курстнэс студентнэнь примамось моли чохом, апаки вант сень лангс, кодамо сонзэ образованиязо. Бути рабфаксто, педучилищастэ эли десятилеткасто ученикенть паньсызь беряньстэ тонавтнеманть кис, то институтсо примасызь.

Ней жо хозяйственной частесь мезьткак а араси эщо од тонавтнема иентень анокстамонь вопростнэнь кувалт. Апаки вант сень лангс, што институтонь корпуссонть

тонавтнема мольсь ансяк не, яла теке вальматне пеледест ламотапсезь. Государственной собственностень лангс и тямом безответственной ды бесхозяйственной отншениясь эрси неде-иес.

Весе неть пеле-пес эрсия асатыкстнэ пек мешить студентнэнь тонавтнемань качества кепедемасо, эрямо-чисэ ды лият. Секс ней ламо студент II-це курсонть прыдозь лоткасть тонавтнемадо ды тусть роботамо (Горбатов, Милованов, Надежкин ды лият).

Тонавтнемань од иенть самс кадовсь вейке ков. Наркомпросонть нейке жо эряви кундамс те серьезной тевентень. Течи жо эряви кармакс заботамо сень кувалт, штобу улевельть программат, литература, учебникт ды лият.

А вишкние ролезэ те тевсэнтэ комсомолонть. Комсомольской организациятнэнь эряви лездамс народной образованиянть организационень неемс народонь врагтнэнь подлой тевест те анокстамонь участкасонткак, юрнэк таргсемс сынт вейкень пес ды большевистской изьявкс марто самс тонавтнемань од иентень.

Фил. Гурьянов.

„ТОНАВТНЕМА ИЕНТЬ ВАСТСА ОД ВИЙСЭ“

Слугина Лиза тедиде тонавтнэсь Кабай велень средней школань VII-це классо. Тонавтнема иенть прыдызе отличнойстэ. Школань дирекциясь максц тензэ почетной грамота. Сон истя жо кучозель вейке ковс пионерской лагерев. Ней вана тосто сась седеяк шумбрасо ды кеместэ.

Лиза покш мельс-паросо евтни лагерьсэ эрямодонть. Зярдояк, келя, тень а стувтовить тосо ютав-

тозь читне, налксематне. Пек веселась ды пароль.

— Оймсинь мон вадрасто, корты Лиза,—рунгомгак седе кемелгадсь. Ней покш мельсэ учан тонавтнемань од иенть. Мон сонзэ вастомо анокан эрьва ендэ, школав молян од вийсэ ды карман эщо седеяк парсте тонавтнема.

Е. И.

Дубеакань район.

АНОКСТЫТЬ ТОНАВТНЕМА ОД ИЕНТЕНЬ

Чамзинкань средней школась аволь беряньстэ аноксты тонавтнема од иентень. Ней моли школасонть штукатурка, кона курок прыдови, вирьстэ усксть пенгк,

пильсизь ды вачкизь куцяс кось-кеме.

Школань анокстамонть покш мель пугать директорсь С. А. Бобров ды завхозось Шагалкин.

Н. С.

Берянь работа— берянь результатт

Тонавтнемань од иентень анокстамонть прыдомс эряволь бу августонь 25-це чис. Истя бу эряволь, но а истя ашти минек.

Штобу нормальной кармакс тонавтнема минек школань зданиязь крышась эряви ремонтировакс, конатась допрокташтомсь; инвентаренть—весе эряви витнемс ды тейнемс одтак, вачкамс одов турбатнэнь, анокстамс пенгк, самый существенное—те наглядной пособиань ды оборудованиязь приобретениесь. Но те ансяк плавсо.

Школань директорсь Зинов Г. И., велсоветонь председателсь Осипова, колхозось тень кувалт мезьткак а мелявтыть.

Но те эщо аволь весе. Кода невтизе тонавтнемань ютазь нес, школань учительнэ коллективесь эряви виензамс (услить).

Мезе минек ульнесь? Вана зяряояк факт.

Директоронть ды профорганизациянть роботань а маштомас кувалт, ульнесь учительнэ ютксо истят случайть, конат велить седе, што учительсь Пятаев А. Ф. а мезень кис чавице заручонтэ П. Я. Родионов ялганть.

Директорсь Зинов, кона не смог классо дисциплинавань ладамо, чавице вейке ученикенть, вейке жо ученицанть (Кожевниковань) покордызе апаро валсо. Школань дисциплинась ульнесь берянь. Учебной частесь аламо тев ветясь методикань вопростнэнь кувалт, профсоюзось как истя жо „лездась“. Секс тонавтнемань од иентень школась сась берянь результат-марто. Ней а сатыть колмо учительть, но тень кувалт жо кияк а мелявты.

Можна ли кемемс, што мелень фактэз а улит нейтак? РОНО-иенть ды учительнэ коллективентень эряви серьезна арсемс неть вопростнэ лангсо.

Ал. Небезызвестный.

Козловкань район,
Лувне велень Н. Ш.

Од кочкиянть СССР-нь Верховной Советс кочкамотнеде

КОДА ОБЕСПЕЧИВАЕТСЯ ТРУДИЦАТНЭНЬ ПРАВАСТ АРАВТОМС ЭСИСТ КАНДИДАТТ

Кочкамонь эрьва округсонть трудиятне кочкамотнеде икеле аравтнить эсист кандидатт Верховной Советс депутатокс.

Кодамо порядокс карми моле ме кандидаттнэнь аравтнемасть?

Тень кувалт кочкамонь минек законсонть мерезь вана мезе:

„56-це статья. СССР-нь Верховной Советс кандидатонь аравтнема права максови общественной организациятнэнь ды трудиятнэнь общественатнэнь: СССР-нь Конституциянть 141-це статьяно коряс: коммунистической партийной организациятнэнь, профессиональной союзтнэнь, кооперативтнэнь, од ломантнэнь организациятнэнь, культурной общественатнэнь ды лия организациятнэнь, конат регистрировазь установленной законной порядокс.“

57-це статья. Кандидатнэнь аравтнемань праванть тевс ютавтыть общественной организациятнэнь ды трудиянть общественатнэнь кода центральной органтэ, истя жо сынст республиканской, кра-

евой, областной ды районной органтэ, истя жо рабочейтнэнь ды служащейтнэнь вейсэнь промкстнэ предприятияне, якстереармеецнэнь—воинской частне, истя жо крестьянтнэнь вейсэнь промкстнэ колхозтнэ, совхозонь рабочейтнэнь ды служащейтнэнь—совхозтнэ.“

Неть статьяне кочкамонь закононтень сермадозь Сталин ялганть предложениянзо коряс. Сынь обеспечивают Верховной Советс депутатокс кандидаттнэнь аравтнемань сехте демократической порядок. Сынь ламо миллион трудиятнэнь максць возможность примамс участия кандидаттнэнь аравтнемасонть (выставлениясонть).

Минек улит сядот эрьва кодат организациятнэнь общественатнэнь ютксо руководящей положениянть заны Весоюзной коммунистической (большевиктнэнь) партиясь, конанень пурнавозь рабочей классонть ды трудиянть лия слойтнэнь эйстэ сех активной ды сознательной гражданти; сон, ком-

мунистической партиясь, ашти трудиятнэнь передовой отрядокс, трудиянть весе организациятнэнь, кода общественотнэнь, истя жо государственнойтнэнь, руководящей ядракс. Теде башка, улит профессиональной ламо союзт, од ломантнэнь ленинской коммунистической союз, кооперативной организациятнэнь, культурной ды эрьва кодат лия общественат (Осавиахим ды лият). Кода неяви кочкамонь закононь 57-це статьясонть, кандидаттнэнь аравтнемань праванть кармить ютавтомом неть организациятнэнь ды общественатнэнь аволь ансяк центральной органтэ, но истя жо сынст республиканской, краевой, областной ды районной органтэ. Теде башка, кандидатт могут аравтнемс предприятиянть, совхозонь, колхозонь работниктнэнь вейсэнь промкстнэ.

Кой-зардо кевкстнить: ули эли арась религиозной объединиятнэнь праваст аравтнемс эсист кандидатт Верховной Советс депутатокс? Те кевкстеманть лангс можна максомс ансяк вейке ответ. СССР-нь Конституциясь граждантинэнь максць права пурнавомс общественной организациятнэсь „трудиятнэнь интересэ коряс ды народной массатнэнь организационной самостоятельностьт ды политической активностест касто-

мань цельтнесэ“. Чаркодеви, што религиозной объединиятне те целентень а ответить, секс сын не могут пользоваться общественной организациятнэнь праватнесэ. Уликс законтнэнь коряс, религиозной объединиятне, кода эйстэ мерить церковной „двадцаткатне“, не пользуются юридической лиционь правасо ды должны ограничиваться ансяк се цельсэнь, конань кис сын теезь, лиякс меремс „религиозной эсист потребностнэнь вейсэ удовлетворениясонть“ (вант ВЦИК-енть ды РСФСР-нь СНК-нть постановленияст, кона печатазь „Известия“ газетасонть 1929 иень апрелень 26-це чистэнь). Верховной Советс депутатокс кандидаттнэнь аравтомань праваст улит ансяк трудиянть организациятнэнь ды общественатнэнь, но аволь поповской, сектантской ды антиобщественной лия организациятнэнь. Кандидатонь аравтнемань праваст сынст арась.

Седе мейле, зардо общественной те эли тона организациясь аравтсь (наметил) Верховной Советс депутатокс эсь кандидат, сон должен улемс регистрировазь кочкамонь Окружной комиссиясонть. Регистрациянть порядокс пек простой. Кочкамотнеде колонгемень чиде аволь седе позда об- (Поладксо 3-це страницасо)

Кепедемс революционной бдительности!

Ардатован кой-кона организация революционной бдительности ульнесь ношкелавтоз. Саемс РОНО сонть, косо цела не роботась помещикень тейтересь — Северина (ней панезь партиясто ды роботасто). Сон тердекшнызе роботамо Ардатован средней школы учебной частью заведующийекс ды историяны преподавательекс икелень белогвардеецень церанть Северинень, кона истя жо ней панезь партиясто.

МАССР-нь Наркомпросось умок уш кучиешнесь райОНО-тнева ды весе библиотекатнева отношения, штобу изъять народонь заядлой врагнень книгаст, но тевс ютавтоз аламо. Те отношенияянт Северина кувать эзизе кучиешнесь библиотекатнева, ловнома кудотнева. Сексак минек школатнева тонавничатне кирдять изъятый книгаст (Рябовонь, Кутяковонь, Чесноковонь ды лиятнень).

Педагогической роботасо ульнесь нулгодыкс троцкист. Вана

Метлин, кона учениктнэ ютксо морсье контрреволюционной морот (ней панезь роботасто ды партиясто). Чукалонь НСШ-сэ роботакшнось Адушев, тонавтсь историяны кувалт ды тейнесь ламо ильведкст, конань истя жо панезь роботасто ды комсомолсто. Бурмистров, кона роботась аволь полной средней школы директоркс ды калавтсь школьной воспитательной роботанть эйсэ. Сон кортыль наыв: „Комсомолонть ко дамо як политической значениз арась“. Калавтсь комсомольской организациянт эйсэ (ней каязь роботасто ды панезь учительнэ рятнень эйсэ).

Весе неть безобразиятнеде содыль пек Северинак, ансяк кашт мольсь ды шнась неть троцкистнень эйсэ.

Революционной бдительности кепедезь эряви вейкень пек таргсемс истят врагнень ды сынст нулгодыкс тевест.

Ф. Кипайкин.

А мелявтыця комсорг

Кочкурован район. Морд. Давыдовасо комсомолонь организация эрва бригадас аравтокшнесь стенгазетань редактор, конат скроне нуемань перть нолдасть вейте-вейте номер газет ды седе мейле вейке бригадасо як стенгазетат эсть нолдтне.

Колхозниктнень ды колхозницантнень марто а ветить Советс кочкамотненень аноктамонть коряс робота. Истя жо а зрить газет

тань ловномат ды од кулян евтематкак.

Неть асатыкстнэ улить секс, што комсоргось Филатов стувтызе эсинзэ задачанзо, сон сезевезь ашти паксясо роботыця комсомолетнень эйсэ. Сон зярдояк паксясо од ломантнень ютксо арасель, комсомолетнень лездавкс а максы ды мик а соды, кода сын роботыть.

Баранов.

Советс од кочкамотненень а анокстыть

Куруксто кармить ютамо Советс кочкамотне кочкамонь од системанть кувалт. Те тевентень эряви аноктамс седе парсте. Ансяк беряньстэ ашти тевесь Чамзинкань районсо.

Комсомолонь районной промкс ульнесь тунда, но ней арасель ды арасель толковаз „СССР-нь Вер-

ховной Советс кочкамотнеде Положенияськак“.

Улить жо ламо истят комсомолетт ды аволь союзной од ломанть, конат а содытькак, кода кармить ютамо кочкамотне. А содыть колхозниктнэ.

Мезе арси те тевентень кувалт ВЛКСМ-нь Чамзинкань райкомось?

Н. М. Симдянов.

Коде обеспечивается трудящиеся права аравтомс эсист кандидат

(П О Л А Д К С О З О)

пественной организациянтень эли общественанть, конат аравтыз кандидаттнень, эряви кочкамонь Окружной комиссиянтень кучомс промксонь эли заседаниянт протокол, косо аравтозель кандидаттос. Протоколсонть улеззэ елгаз депутатокс кандидатонть фамилиязо, лемезе, тетя-лемезе, сонзэ иензэ, эрямо тарказо, партийностезе, занятиязо. Теде башка протоколонт марто улеззэ кандидатонть личной заявлениязо седе, што сон согласен голосоваться кочкамонь те эли тона округсонть се организациянт пельде, кона сонзэ аравтызе. Депутатокс кандидатонть пельде кодаткак лия условиянт а вешевить.

Сеедьстэ кевкстнить: можна ли кандидатокс аравтомс ломань, кона эри кочкамонь лия округсо? Эли депутатокс кандидатось обязательно должен улемс эрицякс се округсонть, косо арсит аравтомс сонзэ кандидатуранзо?

Истямо требования минек законсонть арась. Верховной Советань депутатокс можна аравтомс эрва гражданинэ кандидатуранзо, сень лангс атак вано, косо сон

эри. Но, чаркодеви, Верховной Советань депутатокс кандидатось может голосоваться кодамо як ансяк вейке округсо.

Кочкамонь Окружной комиссиянтне обяваны регистрировамс Верховной Советань депутатокс весе кандидаттнень кодамо як исключенизавомо, конатнень аравтыз трудящиеся общественной организациянтне ды общественанть СССР-нь Конституциянт ды „СССР-нь Верховной Советс кочкамотнеде Положениянт“ требованиянт топавтоз. Бути кочкамонь Окружной комиссиясь мексак отказась регистрировамс депутатокс кандидатонть, сесте те решениянт кавто недлянь шкас можна обжаловать кочкамонь коряс вышестоящей комиссиянтень.

Кочкамотнеде икеле 25 чиде аволь седе позда кочкамонь коряс Окружной комиссиянтне всеобщей сведениянт кис печатасыз Верховной Советань депутатокс аравтозь весе кандидаттнень спискатнень.

Кандидаттнень аравтомань ды регистрациянт истямо порядокось



„Чичерин“ волжской пароходсонть свал роботы ВКП(б)-нтэ историянзо тонавничатне коряс кружокось.
СНИМКАСОНТЬ: кружоконть очередной занятиязо. Керш ено — кружоконь руководителесь капитанонть омбоце помощникез Г. И. Беляков.

Фотось Д. Каспиев (Союзфото).

11 гектарт чистэнт

Ардатован райононь, Чукалонь „Путь Ильича“ колхозонь 4-це бригадасо ули жнейщик Кумакшов Гриша, кона колхозсонть ашти сехте содавикс од церакс.

Сон эсинзэ тевензэ вечксы, секс 5-це не уш роботы жнейщикекс.

Кумакшов 8 чис нуйсь 82 гектарт розь отличной качества марто, лиякс меремс 10 гектардо ламо

чинтень. Июлень 30-це чистэ сон нуйсь 11 гектарт ды максь вал, што товзюронь нуемстэ чизэнзэ карми нуеме 12 гектарт отличной качества марто.

Кумакшов сермадозь районной якстере лаз лангс ды истя жо районсонть ашти васень жнейщикекс.

Ф. Кипайкин.

А толковать „СССР-нь Верховной Советс кочкамотнеде Положениянт“

Каганович лемсэ колхозсонть Кабай велень вельсоветсонть те шкас эщо атак организова „СССР-нь Верховной Советс кочкамотнеде Положениянт“ толковамось.

Колхозниктнень ули пек покш мелест, штобу парсте содамс те исторической документанть, но

велень руководителтне сынст мелест а топавтыть ды кодамо як робота а ветить колхозниктнень ютксо.

Истя жо ашти те тевентень ве пеле комсомолонь организациясь как.

Ев. Агеев.

Дубенкань р-и.

обеспечивает тевсэ алкуконь демократиян ютавтоманть.

Минек масторсонть СССР-нь Верховной Советс кочказекс может улемс эрва гражданинэ, кона эсинзэ способностесэ ды эсинзэ трудсо заслужил те покш честенть.

Овси лиякс ашти тевсэ капиталистической мастортнэсэ. Капиталистической сех ламо мастортнэсэ парламентс эли сенатс кочказекс улеманть туртов праваст улить населениянт эйтэ ансяк аволь пек ламотнень. Сетнень эйтэ, кинь улить кочкамонь праваст, аволь эрвейкесь может улемс кочказекс.

Истя, примеркс, США-со кочкамонь права максови ансяк сетнень, конатнень топодсть 21 иеть ды удовлетворяют кой-кона лия условиянтнень (сынэ эрва штатсонть лият). Сень кис жо, штобу получамс конгрессантень кочказекс улемань права, эряви отвечаемс пек седе строгой требованиянтнень. „Кияк не может улемс представительекс, бути сонзэ эсть тополе 25 иеть, бути сон аволь 7 иеть ашти соединенной Штаттнень гражданинэкс ды кочкамо шкастонть а эри се штатсонть, конаньсэ сонзэ кочкить“, — истя мерезь США-нь конституциясонть. Эщо седеяк покшт тре-

бованиянтне сенатс кочкамотс: сенаторокс могут улемс кочказь ансяк истят ломанть, конатнень колонгемнеде седе аволь аламо иеть ды конат 9 иеде аволь седе аламо аштить США-нь гражданинэкс.

Трудицятнень эндо кандидаттнень аравтнемась капиталистической весе мастортнэсэ ограниченной. Фашистской государстватнесэ трудящиеся аравтнемс эсист кандидатт. Истя, Германиясо келейстэ ютавтеви се, што рейхстагс депутаттнень назначакшны Гитлер. Италиясо 1928 иень избирательной закононть коряс кандидаттнень аравтнемань правазо ули ансяк „покш советанть“ — фашистской партиянт высшей советанть. „Покш советась“ тейни депутаттнень списка 400 ломаньстэ, кочкиятнень жо савкшны ансяк шнамс те списканть. Голосованиясь ютавтови билетань максомань коряс, тень пингстэ голосовицятнень эряви отвечамс истямо кевкстема лангс: „кемексты ли сон депутаттнень списканть, конатнень тешкстынзе фашизмань советась?“ истямо сермадовкссо: „да“ эли „арась“. Аравтомс од кандидатурат эли киньгак нардамс спискостонть — истямо праваст кочкиятнень арась.

(Пезэ сы №-сэ)



СНИМКАСОНТЬ: политической ды боевой анокстамонь курсант-отличникесь, комсомолецъ И. П. Денисов эсь частень связисттинэнь ютксо ловови сехте вадрыкс. ФОТОСЪ ДАГАЛЕНЬ (СОЮЗФОТО).

ЧКАЛОВ, БАЙДУКОВ ДЫ БЕЛЯКОВ ЯЛГАТНЕНЕНЬ МАКСОЗЬ ВОЕННОЙ ЗВАНИЯТ

Оборонань Народной Комиссаронть Советской Союзонь маршалонть Ворошилов ялганть приказонзо коряс Советской Союзонь Героентень В. П. Чкалов ялганть махсозь полковникень звания, Советской Союзонь Героентень Г. Ф. Байдуков ялганть махсозь майоронь звания ды Советской Союзонь Героентень вассенце рангонь военной инженерентень А. В. Беляков ялганть махсозь бригаженерень звания.

ХРОНИКА

СССР-нь Центральной Исполнительной Комитетэнь президиумось кемекстызе М. Ф. Болдырев ялганть СССР-нь Здравоохранениянь Народной Комиссарокс.

(ТАСС).

Мордовиянь пионертиэ—отличниктиэ састь Крымстэ

Мокшэрзянь обкомонь пионеротделэсь Мордовиясто кучокшнось сех вадря пионер—отличникт оймсема Артекев (Крымсэ). Истят пионертиэнь ютксо ульнесь—Савкин Миша (Кочкуровасто) ды Глазов Сережа (Темниковасто).

Миша прыдызе нилеце классонть ансяк отлична отметка марто. Истя жо прыдызе 6-це классонть Сережяк.

Омбоце пель ков оймсемадонть мейле велаятсь сынь мекев кудов. Июлень 31-це чистэсынъ ульнесь ВЛКСМ-нь обкомсо, косо евтнесь кода сынь оймсестъ, мезе нейсть интересной оймсема шкастонть. Евтнесь седеяк, мезе нейсть Московсто. Сынъ ульнесь Метросонть, Зоопарксо ды лиясо. Мейле евтнесь, кода Черной морясо ухшность венчсэ ды ламо-ламо лият.

Покш мельсэ сынъ евтнись сень, што сынст марто вейсэ ульнесь Республиканской Испаниянь 72 пионерт, конатне марто сынъ пек эрять советнасто ды дружнасто.

Вана евтнэ эсь оймсемадонзо Савкин Миша.

— Андсть минек эйсэ чизэнзэ ветесть. Мейле минь уш отказы-

Республиканской Испаниянь ней ули виев армиязо, конаньсэ малав пель миллион лонанть ды ули военной эсинзэ промышленностезэ. Весе испанской народонть лездамонзо лангс нежедезь, республиканской командованиясь оборонанть эйстэ кармси ютнеме наступлениясь.

Испанской мятежиктиэнь положениаст яла седеяк стакалады. Аволь умок Франко генералось Гитлернэнь ды Муссолининэнь пачтысь куля, што сон омбоце телень кампаниясонть а цидялды, бути а получи эщо 125 тыщат ита-ло-германской войскаст ды 500 самолетт.

Франконь азортнэ—итало-германской интервенттиэ невмешательствань коряс лондонской комитетэньт весе вийсэ кармавтыть Франко генералонть махсомс „воювица енксонь“ права. Лиякс меремс, сынъ бажить теэмс сень, штобу мятежиктиэ улевельть ловозь бороциця равноправной енксокс, ды те бу мятежиктиэненъ лездаволь итало-германской флотонть лездамонзо марто теэмс республиканской Испаниянь блокада.

Интервенттиэнь неть наглой вешематненень ламодо лезды Испаниянь тевтнес невмешательствань коряс контролень аравтомань, кода мерить „компромиссной планосъ“, конань невмешательствань комитетэньт аволь умок максызе Англиясь. Англиясь мери Испаниянь берегтнэнь военной суднатнесэ парулированиянь отменить ды теень таркас аравтомс испанской порттнэсь контролерт, истя жо Франконень махсомс воювица енксонь права, бути сон согласи Испаниясто мекев кучомс омбо масторонь войскактнэнь.

Весе неть вопроствэнь коряс Советской Союзонть позициязо парсте евтэз Англиясо СССР-нь полпредэнтъ Майский ялганть кортамосонзо невмешательствань коряс комитетэньт июлень 29-це чистэнтъ. Сон мерсь, што алжуксонъ тевсэ кодамоак невмешательства арась, секс, што сонзэ

сезизь фашистской государстватне—Германиясь ды Италиясь, конат ветить наглой интервенция испанской народонть каршо. Сень туртов, штобу путомс пе интервенциянтень, лиякс меремс—Испаниянь тевтнес прямой эцемантень, Советской правительствась лови целесобразнойкс кадомс Испаниянь морской ды сухопутной границатнэнь контролень порядоконть, кона теезь икеле. Но Советской правительствась а карми молеме те системанть лиякстомтоманзо каршо, бути контролертнэ, конатнэнь мери аравтомс Англиясь, кармить улеме Испаниянь весе портнэсэ ды аэродромтнэсэ. Седе тов Советской правительствась лови, што весе иностранецтиэ, лиякс меремс итало-германской войскактне, истя жо марокканецтиэ, улест саезь Испаниясто.

Франко генералонть воювица енксонь правань махсоманть Со-

ветской правительствась лови Испаниянь тевтнес эцнемакс. Испанской республиканской правительствась ашти вейкине законной правительствакс Испаниянь территория лангсо, сонзэ признают весе государстватне. Фашистской генералтнэ, конат кепедизь мятеженть законной правительстванть каршо, савить государственной преступниктиэнь бандакс. Махсомс сынест воювица енксонь права, те значит икелев уш ловомс законнойкс эрва кодамо мятеженть, конань те эли тона масторсонть кепедьсызь войнань фашистской кирвастицятне.

Истямо ладсо, Советской правительстванть ответсь лангс тарги фашистской аггессортнэнь алжуксонь бажамоствэ ды эщо вест весе мирэнтъ икеле парсте невити, кода германо-итальянской интервенттиэ сезить невмешательствадо соглашениянтъ.

ФРАНЦИЯНЬ КОММУНИСТИЧЕСКОЙ ПАРТИЯНТЬ ИЗНЯВКСОЗО

Парижстэ пачтитъ куля, што августонь вассенце чистэнтъ Сен-Денисэ (Парижень предместья) ульнесь парламентс дополнительной кочкамот, конат прядовсь коммунистической партианть покш изнявкссо. Кочкамонь вассень турсонть уш кочказь коммунистической кандидатось Гренъе, кона по-

лучась 9,522 вайгельть весе 16,602 вайгельтнэнь эйстэ. „Французской народной партианть“ кандидатось пурнась весемезэ 4,553 вайгельть. „Французской народной партианть“ прятвокс ашти Дорио фашистэсь, кона ламо шкань перть ульнесь мэрекс Сен-Денисэ.

Бейпин—Тяньцзиньской районсонть положениась

Бейпинстэ пачтитъ куля, што Тяньцзиньсэ китайской ошонть койкона таркатнэнь июлень 31-це чистэнтъ занякшнысь эщо китайской войскактне. Но японской войскактне эйсэст яла пансितъ.

Ранязь китайской солдаттиэ ды офицертиэ евтнить, што Бейпинэнь районсонть бойтнэнь шкасто японецтиэ икелев уш парсте содыльть китайской войскактнэнь передвижениядо, ды секс китаецтиэ понгонить ловушкас ды засадас, косо сынст леднильть пулеметсо ды артиллериясо. Китайской ламо солдатт маштозь авиациянтъ пулеметсо леднематнесэ. Наньюа-

нень районсонть маштозь китайской 1000 студентт, конат бойтнэнь ушодомадо икеле тонавтнильть военной тевс ды мейле примастъ участия бойтнесэ. Бейпинанть ды Тяньцзинэнтъ ютксо чугуникань кись ламодо калавтозь. Сезезь зярый сэдть.

Сень кувалт, што японецтиэ Бейпинсэ аравтсь печатентъ мельга эсист цензура, газетатне лиснить икельсь статьявтомо ды малав весе пештызь японской сообщениянтнесэ.

(ТАСС).

АНТВЕРПЕНСЭ РОБОЧЕЙ СПОРТОНЬ МЕЖДУНАРОДНОЙ ОЛИМПИАДАСЪ ПРЯДОВСЪ

Августонь вассенце чистэнтъ Антверпенсэ прядовсь робочей спортонь международной колмоде олимпиадась. Чокшне 60 тыщат ваныцятнэнь пингстэ ульнесь футбольной состязаниянтнэнь финал (пе). „Спартак“ советской командась предварительной матчнэсь изинизе Даниянь, Франциянь ды Испаниянь командатнэнь, финалсонть налксесь Норвегиянь команданть марто. Налксемась ульнесь пек напряженной. Матчось прядовсь советской футболисттиэнь изнявкссо 2:0 счет марто.

5 тыщат метрань тарка чиEMATнесэ вассень тарканть санзе С. Знаменский, сон невтсь пек вадря результат—15 минутат 20,4 секундат.

Робочей спортонь международной олимпиадасонть соревнованиянтнэнь итогтнэнь невтсь советской спортсменттиэнь покш мастерствасть, сынъ занясть вассень тарка футболонь, гимнастикань, боксонь, штангенъ ды ухшномань коряс.

Бельгиясо СССР-нь полпредэнтъ Рубинин ялганть тердемаизо коряс советской спортсменттиэ августонь омбоце чистэнтъ тустъ Брюсселев.

(ТАСС).

Штурмай.

Редакционной коллегия.